

**AKASHVANI AIZAWL**

**REGIONAL NEWS BULLETIN**

**HEADLINES ( EVENING )**

- 1. Larsap General (Retd) Dr Vijay Kumar Singh-a'n Mizo thalaite chu thiamna leh theihna nei tha tak an nih avangin an theihna zawnte hriaa thiambel tum turin a chah.
- 2. Chief Minister Pu Lalduhoman a office-ah National Cadet Corps, Mizoram Group Headquarters vawiin khan a hawng.
- 3. Union Finance Minister Nirmala Sitharamani'n vawiin khan Economic Survey 2025-26 Parliament ah a pharhah ram sum dehchhuah GDP chu zaa 7.4 in a thang dawn tih a tarlang
- 4. Thlawhna chesuala thi Maharashtra Deputy CM leh Nationalist Congress Party (NCP) President Ajti Pawar chu vawiin khan sawrkar chawimawina famkim nen Pune-a Baramati ah vui a ni

<><><>

**GOVERNOR**

Larsap General (Retd) Dr Vijay Kumar Singh-a'n Mizo thalaite chu thiamna leh theihna nei tha tak an nih avangin an theihna zawnte hriaa thiambel tum turin a chah.

Wawiina Students' Self Support Union General Assembly vawi 39-na leh an pawl din champha Jubilee lawmna Aizawl Vanapa Hall-a neih a hmanpuinaah he thu hi a sawi a, zirlai ni chungah mahni intodelh tum tlat Students' Self-Support Union-in kum 40-na hmel a hmu chu thinlung taka a lawmpui thu a sawi a, zirna senso leh inelna sang chho mek zel karah SSU chuan kut hnathawh a zahpui lova, sum leh paia intodelh leh mahni kut kea din a ngaipawimawh a, hei hian zirna chu degree neih nan mai ni lo, mi puitling chherchhuah nana pawimawh a ni tih a entir chiang hle tih sawiin, SSU hmalakna chu zirlaite cho phurtu pawimawh tak a ni, a ti.

Zirlaite chu nakin huna Mizoram mai bakah India ram inghahna tur leh Viksit Bharat @2047 thlen theih nana ram nghahfak an nih thu leh, mawhphurhna nasa tak an neih thu sawiin, Mizo thalaite chu thiamna leh theihna nei tha tak an nih avangin an theihna zawnte hriaa thiambel tum turin a chah. SSU hruaitute chu a tul huna zirlaite puih theihna tur microfinance lam ngaihven turin a chah bawk.

Byte: Governor

Larsap hian vawiin inkhawmah hian Ruby jubilee puala buatsaih lungphum a hawng nghal a ni.

He hunah hian kum 2026-2027 atana SSU Gen Hqrs. hruaitu thar thlan a ni a, President: Robinson Zomuansanga, Vice President: Lalrinmawia, Secretary General: Jacob Lalduhkima, Joint Secretary: Rinsangzela, Treasurer: Lalvenhlpuii Hnamte leh Fin. Secretary: Lalrempuii te an ni.

Corr: Maremi

<><><>

**LADC**

Tunkar Thawhlelni a Lai Autonomous District Council a Chief Executive Member atana lakluh, Pu C.Lalsawmzuala chuan vawiin khan amah rintawkna a paltlang.

LADC Term 12 na a MNF leh Congress inkawp United Legislature Party hruaitu Pu C.Lalsawmzuala chu vawiin khan LADC Chairman Pu C.Lalmuanthanga kaihhraina hnuai ah LADC Session ah thlawptu a neihdan fiah a ni a, Member 25 awmna LADC ah Pu C.Lalsawmzuala chuan thlawptu a ngah tawktih fiah niin, Member 15 ten CEM ringtawkwawngin ban an phar a, Member 9 in ringtawkwawngin ban an phar.

CEM chuan amah thlawptute chungah lawmthu sawiin, a thlawpplawngin ban pharte pawh Sorkar tha din a nihtheih nan thawhpuih a sawm.

Chief EXecutive Member in thlawptu a ngah tawkwawngin ban pharte pawh Sorkar tha din a nihtheih nan thawhpuih a sawm. Chief EXecutive Member in thlawptu a ngah tawkwawngin ban pharte pawh Sorkar tha din a nihtheih nan thawhpuih a sawm. Chief EXecutive Member in thlawptu a ngah tawkwawngin ban pharte pawh Sorkar tha din a nihtheih nan thawhpuih a sawm.

(Lalnggheta Lawngtlai PTC)

<><><>

## CM

Chief Minister Pu Lalduhoman a office-ah National Cadet Corps, Mizoram Group Headquarters a hawng a. Assam state atanga awp thin NCC Mizoram chuan ama pualin Group Headquarters a nei tawhdawn a ni.

Sports & Youth Services Minister Pu Lalngghinglova Hmar pawh he hunah hian a tel a, NER ADG Maj Gen Anurag Vij, leh Group Hq, Aizawl Commander Brig GS Arora te nen inkawm zuiin Chief Minister chuan thalaiten NCC chu phur takin zawm se, nun kaihhraina tha hmuh nan hmang se an duh a ti a, ruihhloin thalai tam tak a ti buai a, heng thil tha lo lakah hian thalaite ven a tul a ti.

Maj Gen Anurag Vij-a chuan, thalaite chu mahni inthunun thei, mi tumruh, ram, khawtlang leh chungkaw tana mi tangkai ni tur te, ruihhlo leh nun dan tha lo laka fihlim turtein a tul ang zelin an zirtirin an kaihrui a. State sorkarin chutiang lam hawi hmalak tul a tihna apiangah hma an la thei a ni, a ti.

Tunah hian Mizoramah NCC unit pali, cadet 8000 vel an awm mek a. Group Headquarter nena an awm chuan an ti lian chho zel dawn a ni.

## (DIPR)

<><><>

## JUSTIC FOR MARINA

Tanhril-a inthahna thleng avanga boruak kalchho zelah JUSTICE FOR MARINA Group ten Marina Lalchhanchhuah-i thihna a inhnawm chhui zel phution vawiin khan Aizawl Vaivakawn leh Chanmari atanga Vanapa Hall thleng kawng an zawh.

Justice for Marina- ten Marina Lalchhanchhuahi tualthihnaa mawhpurto ber RL Peka chauh anih an ring lova inhnawm dang an awm an ring a, Social Activist Pi Khawlrinpuii chuan Marina Lalchhanchhuahi rapthlak taka nghaisak a ni leh a hmel hmuh tlak loh leh nau pai lai hmuh tur awm loa sawisak a nih na ah RL Pek-anan amah chauh a tih theih an ring lo a , puitu an awm ngei n ring tlat a ni a ti a, inhnawm dangte hi Police lamten zawn chhuah sak ngei turin an ngen a ti.

Byte Social Activist Pi Khawlrinpuii

Justice for Marina pawl te hian he tualthihna chungchang chhui zui tura ngenna Aizawl SP office ah an thehlut nghal a ni.

Justice for Marina Group te kawngzawh huaihawtna ah hian Tanhril Branch YMA leh Local Council te leh MHIP te a pawl angin an tel ve lo a ni.

(Hruaia Aizawl PTC)

<><><>

## MAMB

Mizoram Agricultural Marketing (MAMB), International Fund for Agricultural Development (IFAD) leh Mission Organic Mizoram (MOM) tangho chuan 'Private sector round table on Mizo Ginger

cum Buyer Seller Meet 2026' chu Aijal Club-ah an buatsaih a. He hun hi Horticulture Minister Pu C. Lalsawivungan a hmanpui.

Buyer Seller Meet-ah hian thawhhona thuthlung pahnih ziah a ni a, Ropuiliani Farmers Producers Company leh Kisaansay ten thawhdunna thuthlung an siam a, IRMA Iseed leh Mizoram Startup Mission-te pawhin an ziak bawk a ni,

He hunah hian ramchhung hmun hrang hrang atangin Investor leh Buyer lian tak takte sawm luh an ni a. NAB Venture, IRMA Iseed, Acumen, ABC Fruits, Rupiya.app, Apple leh NSRCEL te an ni a. Anni hian Mizoram sawrkar nena an thlai tharte leh prcessed food-te lei leh hralh kawnga thawhho theih dan kawng hrang hrang rawtna an thlen a. Mizorama entrepreneur Zozik, Bio Farm, C Breeze, Tuibawn leh Lawm from the Hills-te nen pawh thawhho theih dan tur sawiho a ni.

(DIPR)

<><><>

## CONG PRESS CONF

Congress Party in Lengpui ram Indian Air Force kuta hralh chungchanga sum tam tak diklo taka insemna a awm nia lang chu chiang taka mipui hrilhfiah turin a buaipuitu, Mizoram Sorkar an phut tih an sawi.

Wawiina MPCC-in Aizawl Press Club-a thuthar thehdarhtute an kawmnaah MPCC General Secretary, an party thupuangtu ni bawk Pu Lalbiakzama chuan tunlai Mizoram a mipuite bengverh leh ngaihven hlawh ber Lengpui ram Indian Air Force kuta hralh chungchangah rorel lai ZPM leh MNF inkarah inpuhmawhna leh inhnialna a tam hle a ti a, he thilah hian thil inthup, sum tam tak diklo taka insemna awm nia lang, ram in leisaknaah a hralhtu aia sum tel tam zawk an awm ni ngeiin a lang a ti a. Dan palzut chungah hetiang lo remtihpui leh hmanhmawh taka tihpuitling puitu awm ngei ni a langte, heng ramte hi a hralha hralh tawp nge kum bithliah neia hman tir tihte, Party pahnihte kara inpuh tawna leh thil chianglo awmte chu mipuite chiang taka hrilhfiah turin Mizoram Sorkar chu a buaipuitu 'FACILITATOR' a nih angin an phut tih a sawi a, thil diklo titu an awm a nih chuan chhuichhuah a, dan anga hrem ngei an phut tih sawi bawk a ni.

Byte: MPCC spokeperson Pu Lalbiakzama

Hei bakah hian MPCC spokeperson chuan MGNREGA thlakna VB G-RAM-G chu ni 100 ai ah ni 125 inhlawhna a nih avangin tha zawk angin lang mahse MGNREGA-ah chuan hnam hnufualte tan khuarel chhiat tawh leh harsatna thlen thulhah ni 50 thleng in hlawhna chu pawhsei theihna tih tawp a ni a ti a, MGNREGA-ah chuan hlawh chu central sorkarin zaa za a tum a, dan thar ah chuan Hmarchhak State ten zaa 10 an tum ve a ngai dawn thung a, pukchawpa sorkar kal ve hram hram Mizoram chuan zaa 10 chu an pe ve thei zel ang em tih zawhna zawtin, Central Scheme tam tak zaa 10 an tum theih loh avanga zuzi ta ang a thlen hlauthawnawm a ti.

Corr: Maremi

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

## MERA YOUVA BHARAT MIZORAM

National Voters Day Padyatra /Rally naktuk January Ni 30-a Government T Romana College, Aizawl a hman turah thalai tam thei ang ber tel turin Mera Youva Bharat Mizoramin an sawm.

Wawiina Mera Youva Bharat Mizoram hotute'n Aizawl Press Club a thuthar thehdarhtute an kawmnaah, an director Pi Mercy Selate chuan Sawrkar laipui, Ministry of Youth Affairs & Sports chuan January Ni 25 chu India ram pumah National Voter's Day atan a hman tih sawiin, he programme in a tum ber chu, "My Bharat My Vote" tih thupui a hman a, thalaite ram inrelbawlina huanga tel tir a, ram hmasawnaah an mawhphurhna a ni tih an inhriat thar a ni a ti a. Naktuk khian Govt T Romana College, Aizawl, leh Sport Authority of India (SAI) te nen tang hovin National Voters Day pual hian Rally neih a ni dawn tih a sawi a, he hunah hian vote nei thar, Electoral roll a ziah luh tharte chawimawina hun hman a ni dawn tih sawiin, thalai tak thei ang ber tel turin a sawm a ni.

Corr: Maremi

<><><>

## ECONOMIC SURVEY

Union Finance Minister Nirmala Sitharamani'n vawiin khan Economic Survey 2025-26 Parliament ah a pharh.

(Byte)

Sawrkar kum kal mekah ram sum dehchhuah GDP chu zaa 7.4 in a thang dawn tih a tarlang. Hei bakah hian kum 2027-28 chhunga ramchhung eibar dinhmun thanna chu zaa 6.8 atanga 7.2 inkarah a thang dawn niin chhut lawk a ni bawk.

Economic Survey a tarlan anih danin kum 2026 sawrkar kum chhungin chak takin ramin hma a sawn a. Ramchhunga lei leh hralhna sum leng vak nasa avangin ram sum dehchhuah hi apung tih tarlan a ni a.a Thilsiam chhuahna lam dinhmun a tha tawk tih sawiin agriculture lam pawh nghet takin a awm mek tih a tarlang a ni.

**(NewsonAIR)**

<><><>

**AJIT PAWAR**

Thlawhna chesuala thi Maharastra Deputy CM leh Nationalist Congress Party (NCP) President Ajti Pawar chu wawiin khan sawrkar chawimawina famkim nen Pune-a Baramati ah vui a ni. He hunah hian state leh sawrkar laipua hotu thahnem tak an tel a. Heng zingah hian Union Minister Amit Shah leh Nitin Gadkari te, Maharashtra Chief Minister Devendra Fadnavis, Deputy Chief Minister Eknath Shinde, BJP President Nitin Nabin, NCP (SP) chief Sharad Pawar leh hraitu dangte an tel a ni.

**(Newsonair)**

<><><>

**CISF COASTAL CYCLOTHON**

CISF Vande Mataram Coastal Cyclothon 2026 chu wawiin khan Union Minister of State for Home Nityanand Rai chuan New Delhi atangin internet kaltlangin a vailiam. He Coastal Cyclothon ah hian a rualin CISF Cycling team hnihte chuan West Bengal-a Bakkhali leh Gujarat-a Lakhpal atangin ni 25 chhung ramchhung tuipui kama awm state te fang turin an tlanchhuak a. Km 6500 chuang an tlan dawn a. Ramchhung khawchhak leh khawthlang lam an zawh ang a. February ni 22 ah Kochi ah an intawkkhawm ang.

**(NewsonAIR)**

<><><>

**PRAGATI**

Prime Minister flagship programme Pro-Active Geovernance and Timely Implemetation,PRAGATI chuan mellung pawimawh tak phunin a tum 50 na inhmukkhawm hlawhtling takin a nei. He programme hi PM Modian kum 2015 a bul a tan atangin sawrkar inrelbawlina leh hnathawh dana inthlak danglamna tam tak a thleng a. Sawrkar hnathawkte hna thawh dan chu a hunlai ngeia vil a ni a, Prime Minister hoa thlirletna hun hman thin niin hetah hian hmasawwna ruhrel pawimawh tak tak te pawm niin mipuiten lungawilohna an thlente pawh enfiah nghal a ni a thin a. Kum 10 chhungin PRAGATI hian sawrkar thutlukna pawimawh tak takah nasa takin a pui a, hmasawwna hna thawh tikhawtlai thinte chin fel niin sawrkar hnathawkte rintlak lehzuala siam an ni.

PRAGATI hnuiaia project hlawhtling zingah Karanataka-a Super Thermal Power Project hi a tel a. He project hi NTPC Limited hmalakna niin lungalhthei behchhana kawlphehtha siamchhuahna tur project niin Karnataka-a Vijayapura district a siam a nia . India chhim lama NTPC project lian berte zinga mi a ni. Hetiang taka project pawimawh anih avang hian PRAGATI hnuiaiah Prime Minister Narendra Modia hoin June ni 24 2025 khan thlirho a ni a. Railway te nena thawhhona tha tak hnuiaia tihpuitlin ngai anih avangin Pu Modia hian railway thuneitute pawh project hlawhtlin theih nana tan la turin a chah a. Hetianga chak taka hmalak anih avang hian kum 2018 December ni 3 khan hawn alo ni ta a ni.

**(NewsonAIR)**

<><><>